



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N

91/35438

< 15 / 11 > 2023թ.

**Արման Աշոտի Խաչատրյանին
Հասցե՝ ք. Երևան, Էրեբունի փ., 18/2**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում իրականացված վարչական բողոքարկման վարույթի արդյունքում թիվ 8300860168 վարչական ակտն անփոփոխ, իսկ վարչական բողոքն առանց բավարարման թողնելու մասին որոշման օրինակը:

Առդիր՝ << 3 >> թերթից:

Պետ, ոստիկանության գնդապետ՝

Ա. Խուդինյան

Կատ. Վ. Վահանյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 14.10.2022թ-ին կայացված 8300860168 որոշումն անփոփոխ, իսկ վարչական բողոքն առանց բավարարման թողնելու մասին

<< 13 >> 11 2022թ.

ք.Երևան

ՀՀ ՆԳՆ ոստիկանության պարեկային ծառայության պետ, ոստիկանության գնդապետ՝ Ա. Խուդինյանս, վերանայելով Արման Աշոտի Խաչատրյանի (այսուհետ՝ դիմող) 17.10.2023թ-ի (ՊԾ ստացված՝ 19.10.2023թ.) դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

14.10.2023թ-ին՝ ժամը 14:41-ին, Երևան քաղաքի Արշակունյաց պողոտայում դիմողի վարած «KTM 390 Adventure» մակնիշի 00 AC 737 հաշվառման համարանիշի տրանսպորտային միջոցը /մոտոցիկլետ/ կանգնեցվել է ՀՀ ՆԳՆ ոստիկանության պարեկային ծառայության Երևան քաղաքի գնդի կրտսեր պարեկ Գոհար Գեղամյանի կողմից՝ հաշվառման համարանիշը սահմանված վայրում չփակցրած վիճակում տրանսպորտային միջոց վարելու իրավախախտման համար: «Ճանապարհային երթևեկության մասին» կոնվենցիայի 36-րդ հոդվածի և նույն կոնվենցիայի Հավելված 2-ի խախտման համար կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 2-րդ մասի հատկանիշներով կայացվել վարչական իրավախախտման գործով թիվ 8300860168 որոշումը՝ դիմողին 5.000 ՀՀ դրամի չափով տուգանելու մասին:

Դիմողը 17.10.2023թ-ի (ՊԾ ստացված՝ 19.10.2023թ.) դիմումով խնդրել է վերանայել և բեկանել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 14.10.2022թ-ին կայացված 8300860168 որոշումը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 14.10.2022թ-ին կայացված 8300860168 որոշումը ենթակա է կատարման հետևյալ պատճառաբանությամբ.

ՀՀ ՆԳՆ ոստիկանության պարեկային ծառայության Երևան քաղաքի գնդի կրտսեր պարեկ Գոհար Գեղամյանի պարգաբանման համաձայն՝ դիմողը 14.10.2023թ-ին Երևան քաղաքի Արշակունյաց պողոտայում «KTM 390 Adventure» մակնիշի 00 AC 737 հաշվառման համարանիշի տրանսպորտային միջոցը /մոտոցիկլետ/ վարել է հաշվառման համարանիշը սահմանված տեղում չփակցրած վիճակում: Իրավախախտումը եղել է իր տեսադաշտում՝ հստակ և պարզ տեսանելի:

«Ճանապարհային երթևեկության մասին» կոնվենցիայի 36-րդ հոդվածի 1-ին մասի համաձայն՝ միջազգային երթևեկության մեջ գտնվող յուրաքանչյուր ավտոմեքենայի վրա առջևից և հետևից պետք է զետեղվի գրանցման համարը, սակայն մոտոցիկլետների վրա այդ համարը պետք է զետեղվի միայն հետևից:

Նույն կոնվենցիայի Հավելված 2-ի 3-րդ հոդվածի համաձայն՝ եթե հաշվառման համարանիշը նշված է ցուցանակի վրա, ապա այդ ցուցանակը պետք է լինի հարթ և ամրացված լինի **ուղղահայաց կամ գրեթե ուղղահայաց դիրքով**՝ տրանսպորտային միջոցի միջին երկայնակի կտրվածքին ուղղաձիգ: Եթե համարը նշվում կամ գրվում է ներկով հենց փոխադրամիջոցի վրա, ապա մակերևույթը, որի վրա այն նշվում կամ գրվում է ներկով, պետք է լինի տափակ, ուղղահայաց կամ համարյա տափակ և փոխադրամիջոցի միջին երկայնական հատվածքին ուղղահայաց:

«Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին» ՀՀ կառավարության N 955-Ն որոշման Հավելված N 2-ի 6-րդ կետի 18-րդ ենթակետի համաձայն՝ տրանսպորտային միջոցի այլ անսարքություններն ու պայմաններն են՝ հաշվառման համարանիշերը կամ դրանց տեղակայման (ամրացման) ձևը չեն համապատասխանում օրենսդրության կամ ստանդարտների պահանջներին:

«Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 2-րդ մասի համաձայն՝ տրանսպորտային միջոցի հաշվառման համարանիշը սահմանված տեղում չփակցնելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Ուսումնասիրելով պարեկային ծառայողի կողմից վարչական իրավախախտման վերաբերյալ արձանագրությանը և զուգակցված թիվ 8300747803 որոշմանը կցված լուսանկարը, ինչպես նաև պարեկային ծառայողի անհատական կրման տեսաձայնագրող սարքի տեսաձայնագրությունը՝ պարզ է դառնում, որ «KTM 390 Adventure» մակնիշի տրանսպորտային միջոցի 00 AC 737 հաշվառման համարանիշը՝ ցուցանակը, հարթ չի և ուղղահայաց կամ գրեթե ուղղահայաց դիրքով ամրացված չի տրանսպորտային միջոցի միջին երկայնակի կտրվածքին ուղղաձիգ:

Ինչ վերաբերվում է այն հանգամանքին, որ դիմողին չի նախազգուշացվել տեսաձայնագրման մասին, ապա վերը նշված տեսաձայնագրության ուսումնասիրմամբ պարզ է դառնում, որ պարեկային ծառայողը, ներկայանալուց հետո, դիմողին հաղտնում է, որ իրենց ծառայությունը տեսաձայնագրվում է:

«Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի 1-ին մասի «ա» կետի համաձայն՝ ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների

օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով՝ դիմումատուի արարքում առկա են «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 14.10.2022թ-ին կայացված 8300860168 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Երևան քաղաքի գունդ:

Պետր, ոստիկանության գնդապետ՝

Ա. Խուդինյան

